



Til Kommunestyret

Vår sakshandsamar: Kari Marie Nygard

Dykkar ref.:
Vår ref: 2016/48
Vår dato: 14.02.2018

Partsbrev vedr. byggerekneskap for nytt biblioteklokale på Bjørkheim

Vedlagt følger partsbrev med kontrollutvalet sin uttale til byggerekneskap for nytt biblioteklokale på Bjørkheim. Ber om at uttalen følgjer saka fram til handsaming i kommunestyret.

Med helsing

Hogne Haktorson
kontrollsjef

Kari Marie Nygard
seniorrådgjevar

Dokumentet er elektronisk godkjent og har derfor ikkje underskrift.

Kopi til:
Ordførar
Rådmann
Utvalsleiar

Arkivsak: 216
 Arkivnr: 2016/48-26
 Sakshandsamar: Kari Marie Nygard

Saksframlegg

Saksgang

Utval	Saknr.	Møtedato
Kontrollutvalet i Samnanger kommune	5/18	12.02.2018

Byggerekneskap for nytt biblioteklokale på Bjørkheim

Bakgrunn

Kontrollutvalet har motteke «Byggerekneskap for nytt biblioteklokale på Bjørkheim» i mail 12.01.18. Bakgrunn for at kontrollutvalet skal gje sin uttale i denne saka følgjer av reglement for kontrollutvalet i Samnanger kommune, der det mellom anna står:

«Prosjektregnskapar over kr. 500.000: Så snart eit prosjekt er avslutta, skal prosjektregnskapen leggast fram for kontrollutvalet som gjev tilråding til det organ som har vedteke kostnadsoverslag og finansieringsplan – (sjå Økonomireglement for Samnanger kommune).

Økonomireglement for Samnanger kommune, utdrag:

«Investeringsprosjekt som skal førast på to eller fleire budsjett, skal førast som eige prosjektregnskap (byggeregnskap). For investeringsprosjekt med ei kostnadsramme på over kr. 500.000 skal det alltid førast eige prosjektregnskap.

Prosjektregnskapen skal spesifiserast slik at tala kan samanliknast direkte med kostnadsoverslaget.

Så snart eit prosjekt er avslutta, skal prosjektregnskapen leggast fram for kontrollutvalet som gjev tilråding til det organ som har vedteke kostnadsoverslag og finansieringsplan. Organet skal samstundes med slutthandsaming av prosjektet gjera vedtak om finansiering av eventuelle overskridingar, eller disponering av ubrukte midlar til prosjektet. Overskridingar som ikkje vert dekkja av ledige midlar innanfor same rammeområde i kapitalbudsjettet, skal handsamast av kommunestyret. Bruk av lånemidlar kan berre vedtekast av kommunestyret.

Ved overskridingar skal saka alltid verta lagt fram for kommunestyret til handsaming så snart prosjektansvarleg er kjend med dette.

Drøfting

Byggerekneskapen som ligg føre viser ei samla utgifter på kr. 15.148.695 for prosjektet nytt biblioteklokale.

Utgiftene er finansiert med tilskot frå Hordaland fylkeskommune på kr. 500.000, refusjon frå Hordaland fylkeskommune på kr. 100.000, overføring frå driftsregnskap og bruk av fond.

Regnskapen viser ei meirutgift på kr 575.000. Meirutgifta vert dekkja med å låne kr 500.000 frå ubunde investeringsfond, og at det vert søkt om resterande tilsagn om tilskot frå Hordaland fylkeskommune på kr 500.000 i 2018. Vidare er det gjort vedtak i KS 057/2017 om å dekkja kr 75.000 av unytta lånemidlar.

Kontrollutvalet skal gje sin uttale til byggerekneskapen for nytt biblioteklokale på Bjørkheim, og måten den er lagt fram på. Dokument i saka omfattar:

- Byggerekneskap for nytt biblioteklokale på Bjørkheim
- Kjøpekontrakt med Bjørkheim Senter AS
- Saksframlegg vedr. Framtidig bibliotek i Samnanger (KS 071/14)
- Saksframlegg økonomirapportering pr. april 2017 (KS 021/17)
- Tilsagnbrev frå Hordaland fylkeskommune datert 21.09.17
- Vedtak i KS 057/17 – økonomirapportering pr. november 2017
- Deloitte sin uttale til byggerekneskapen

Utover det som kjem fram av dokumenta i saka, og revisjonen sin uttale, finn ein at prosjektet er utført på ein tilfredstillande måte.

Konklusjon

Byggerekneskapen med vedlegg som er lagt fram gjev eit godt og oversiktleg bilete av prosjekt for nytt bibliotek på Bjørkheim. Sekretariatet vil gjere framlegg om at kontrollutvalet gjev slik uttale i saka:

Forslag til uttale:

Kontrollutvalet tilrår at kommunestyret godkjenner prosjektrekneskap for nytt bibliotek på Bjørkheim.

Saksprotokoll i kontrollutvalet - 12.02.2018

Handsaming i møtet:

Byggerekneskapen vart gjennomgått og drøfta. Forslag til uttale vart samrøystes vedteke.

Uttale:

Kontrollutvalet tilrår at kommunestyret godkjenner prosjektrekneskap for nytt bibliotek på Bjørkheim.

Hogne Haktorson
kontrollsjef

Kari Marie Nygard
seniorrådgjevar

Dokumentet er elektronisk godkjent og har derfor ikkje underskrift.

Vedlegg:

- Byggerekneskap for nytt biblioteklokale på Bjørkheim
- Kjøpekontrakt med Bjørkheim Senter AS
- Saksframlegg vedr. Framtidig bibliotek i Samnanger (KS 071/14)
- Saksframlegg økonomirapportering pr. april 2017 (KS 021/17)
- Tilsagnbrev frå Hordaland fylkeskommune datert 21.09.17
- Vedtak i KS 057/17 – økonomirapportering pr. november 2017
- Deloitte sin uttale til byggerekneskapen